

Ann an duil gum faigheadh iad an t-airgiod-cinn a bha air a thairgse, bha na saighdearan a leag an t-oganach lan gairdeachais; bhuin iad an ceann deth, agus tha e air a radh gun do thar Diuchd Chumherland as leis na charbad do Lunnainn. Leis a so chaidh moran de na saighdearan a tharruing as an duthaich, agus cha robh iad co titheach air toir a Phrionnsa.

Chaidh Tearlach do Dhuthaich Mic Dhomnuill-duibh far an do chuir e seachad an nìne air feadh bheanntai siadhaich na duthcha sin, le Mac Dhomnuill duibh agus Tighearna Chluainidh, gus an treas-la-deug de mhios meadhonach an fhogharaidh, nuair a fhuair e fios o Fhear Ghlinnealadail gun d'fhainig na soithichean a bha ri e fein agus na chairdean a ghiulan do'n Fhraing. Nuair a fhuair e 'n sgeul aoibhneach so, thug e fein agus a chairdean orra gu grad do Mhuideart.

Is furast a sinuaineachadh gum bu ghoirt a chridhe 'nuair a thainig e ris an sealladh an aite sin far an do thog e ceithir miosa-deug roimhe sin, a bhratach ri crann. Bha e san am sin ann an aird a dhochais, bha fiughair aig ri rioghachd a shinnsir; agus cha robh ri chlainutinn san aite sin ach iolach sholais o mhoch-thra gu seasgar, mar bha na Fineachan trenna Gaedhealach a cruinneachadh le pìob is bratach m'an cuairt da. A nis, tha e dluthachadh air an aite cheudna na fhogarach bochd, a cholann air call a dreach, agus iuntinn fo bhuaireas trom. Bha a luchd-comhaideachd air an claidh le anradh, air call na bha aca de'n t-saoghal, agus an luchd-millidh anns gach ait air an toir; na h-uile nì a enn na chuimhne gun robh gach dochas agus duil a dh'araich e riamh e nis air am muchadh gu brath.

Rainig e 'n traigh, far an do labhair e riu-san a lean e le misnich mhor. O sheil gach treun-fhear dileas a bha lath air, bha na deoir a tuiteam gu frasach agus cha robh r'a chluinntinn ach an osna throm. "Pillidh mi fhathast, mo chairdean dileas, deir Tearlach, biodh agaibhse deagh mhi-neach, theid sinn fhathast do'n ar-fhaich lo choile; ithidh agus olaidh sin ann am pailliuimibh an Rìgh, agus an sin chithear an speis a th' agamsa do na Gaedheil." Bha